



SOALAN-SOALAN LAZIM PENERAJU TUNAS GELIGA

Mengenai Peneraju Tunas Geliga

1) Apakah program pembiayaan pendidikan Peneraju Tunas Geliga?

Program pembiayaan pendidikan Peneraju Tunas Geliga adalah salah satu program Yayasan Peneraju untuk memberi peluang kepada murid Bumiputera lepasan UPSR yang berpotensi dari latarbelakang yang mencabar untuk melanjutkan pelajaran ke peringkat sekolah menengah di Maktab Rendah Sains MARA (MRSM), Sekolah Berasrama Penuh (SBP) dan Sekolah Agama Bantuan Kerajaan (SABK) yang terpilih.

2) Apakah statistik terkini penerima pembiayaan pendidikan Peneraju Tunas Geliga?

Seramai 1175 orang murid yang sedang mengikuti program ini di bawah Tunas Geliga 1 (2012), Tunas Geliga 2 (2013), Tunas Geliga 3 (2014), Tunas Geliga 4 (2015), Tunas Geliga 5 (2016). Pengambilan kali ini adalah bagi murid Tunas Geliga 6 (2017).

3) Apakah bentuk tajaan yang diterima oleh murid Peneraju Tunas Geliga?

Program Peneraju Tunas Geliga adalah program pembiayaan pendidikan di mana tajaan meliputi yuran pendaftaran, penginapan, pakaian, makan minum, aktiviti sekolah yang berkaitan dan elaun bulanan.

4) Apakah itu Program Pemupukan dan Pembangunan Murid?

Program pemupukan dan pembangunan untuk membantu murid mencapai tahap akademik yang baik serta mempunyai nilai-nilai murni seorang murid yang berwibawa. Sokongan dari segi motivasi, nasihat akademik dan peribadi kepada murid juga disediakan untuk membantu mereka melalui zaman remaja dan persekolahan mereka.

Kriteria Permohonan Peneraju Tunas Geliga

1) Bilakah permohonan akan dibuka?

Permohonan bagi program Peneraju Tunas Geliga pada tahun 2017 dibuka pada bulan November hingga Disember dan dibuka secara atas talian (*online*). Sebarang permohonan selepas tarikh tutup tidak akan dilayan sama sekali.

2) Bolehkah saya menghantar permohonan secara pos?

Permohonan secara pos hanya dibenarkan untuk pemohon menetap di kawasan pedalaman yang tidak mempunyai akses internet. Pemohon menetap di kawasan bandar dan luar bandar yang mempunyai akses internet perlu memohon melalui permohonan atas talian.

3) Apakah yang perlu saya sertakan bersama borang permohonan?

Bagi permohonan atas talian, pemohon dikehendaki mengisi borang permohonan selengkapnya dan memastikan bahawa permohonan tersebut berjaya dihantar.

Manakala bagi permohonan melalui pos, sila lengkapkan borang permohonan bersama salinan dokumen sokongan yang disenaraikan dalam Lampiran 1 dan Borang Pengesahan Maklumat Murid (Lampiran 2) kemudian diposkan ke alamat pejabat Yayasan Peneraju seperti yang tertera di laman sesawang.

4) Ibu bapa saya tidak bekerja, apakah yang perlu saya sertakan?

Sila lengkapkan Borang Pengesahan Pendapatan bagi ibubapa yang tidak mempunyai slip pendapatan atau tidak bekerja. Borang tersebut perlu disahkan dan wajib dilampirkan bersama borang permohonan.

5) Adakah saya perlu memohon untuk kemasukan ke SBP/MRSM/SABK sendiri?

YA. Calon perlu memohon sendiri di laman sesawang KPM atau MARA untuk mendapatkan tempat di SBP/SABK/MRSM. Pihak Yayasan Peneraju tidak bertanggungjawab untuk mendapatkan penempatan murid di sekolah.

6) Apakah syarat-syarat calon yang layak ditawarkan pembiayaan pendidikan Peneraju Tunas Geliga?

Calon yang layak menjadi penerima pembiayaan pendidikan Peneraju Tunas Geliga mestilah berjaya dalam sesi temuduga dan berjaya mendapat penempatan di SBP/MRSM/SABK yang terpilih sahaja.

7) Saya mempunyai ahli keluarga atau adik-beradik yang telah/sedang menerima tajaan Yayasan Peneraju. Adakah saya layak untuk memohon?

Calon dibenarkan untuk memohon pembiayaan pendidikan Tunas Geliga ini, namun keutamaan akan diberikan kepada calon dari kalangan keluarga yang tidak pernah menerima apa-apa tajaan daripada Yayasan Peneraju.

Keputusan Permohonan

1) Bilakah keputusan permohonan akan dikeluarkan?

Hanya calon yang berjaya DISENARAIPENDEK sahaja akan dihubungi untuk menghadiri sesi temuduga. Keputusan calon yang layak ditemuduga akan dimaklumkan selewat-lewatnya 2 minggu selepas tarikh tutup permohonan.

2) Bagaimanakah cara makluman calon senaraipendek dilakukan?

Calon yang berjaya disenaraikan untuk sesi temuduga akan dimaklumkan secara berperingkat mengikut tempat pilihan temuduga. Calon akan dimaklumkan melalui SMS, emel dan juga panggilan telefon.

3) Sekiranya saya tidak berjaya disenaraipendek untuk temuduga, adakah saya boleh membuat rayuan?

Tidak. Keputusan adalah muktamad dan sebarang bentuk rayuan tidak akan diterima.

Sesi Temuduga

1) Apakah yang perlu dibawa semasa sesi temuduga?

Calon dikehendaki memuat turun Lampiran 1 dan Lampiran 2 yang disediakan di laman sesawang Yayasan Peneraju. Setiap calon perlu membawa semua salinan dokumen yang telah disahkan. Borang Pengesahan Maklumat Murid turut perlu diisi dan mendapat pengesahan daripada guru yang ditetapkan.

2) Siapakah yang boleh mengesahkan salinan dokumen calon?

Salinan dokumen wajib disahkan dan perlu disahkan oleh Penghulu/Ketua Kampung/Pegawai Kerajaan Gred 41 dan ke atas sahaja.

3) Bagaimanakah sesi temuduga dijalankan?

Sesi temuduga akan dijalankan melalui dua sesi di mana calon (murid) dan salah seorang ibu/bapa/penjaga akan ditemuduga oleh pihak Yayasan Peneraju. Calon dan ibu/bapa/penjaga akan ditemuduga secara berasingan pada hari yang sama. Salah seorang daripada ibu/bapa/penjaga wajib hadir bersama calon sewaktu sesi temuduga diadakan.

4) Bilakah keputusan temuduga akan diumumkan?

Keputusan temuduga akan dimaklumkan kepada calon yang BERJAYA sahaja. Keputusan akan diumumkan di laman sesawang Yayasan Peneraju selewatnya pada penghujung bulan Disember 2017.

Tawaran untuk Penerima Biasiswa Tunas Geliga

1) Bilakah calon yang berjaya akan menerima surat tawaran?

Calon yang berjaya dalam temuduga akan menerima surat tawaran dan dokumen perjanjian. Penerima pembiayaan pendidikan wajib melengkapkan dokumen yang diminta dan menghantar semula kepada pihak Yayasan Peneraju. Pemulangan dokumen yang lengkap kepada Yayasan Peneraju amat penting bagi memastikan pergerakan elaun penerima pembiayaan pendidikan berjalan dengan lancar.

2) Bagaimana surat tawaran dihantar?

Surat tawaran akan dihantar melalui pos ke alamat rumah penerima pembiayaan pendidikan. Salinan imbas (*scanned copy*) turut akan dihantar kepada penerima melalui emel yang didaftarkan.

Penerimaan Elaun

1) Bagaimanakah duit pembiayaan pendidikan disalurkan?

Segala perbelanjaan berkaitan sekolah, asrama, keperluan murid, dan lain-lain akan disalurkan ke dalam akaun sekolah. Elaun bulanan murid akan disalurkan ke dalam akaun peribadi murid.

2) Berapakah jumlah tajaan bagi penerima pembiayaan pendidikan?

Wang tajaan pembiayaan pendidikan bagi setiap tahun adalah berbeza mengikut ketetapan sekolah dan perbezaan tingkatan. Jumlah tajaan adalah lebih daripada mencukupi untuk menampung kehidupan murid sepanjang sesi persekolahan.